

DUA TAHUN UNIVERSITI DAN DUA TAHUN INDUSTRI

Tingkat kemahiran graduan

» *Penuntut belajar 2 tahun, timba pengalaman industri 2 tahun*

Oleh Baharom Bakar
bhkt@bh.com.my

▪ Kuala Nerus

Kementerian Pendidikan Tinggi (KPT) akan memperkenalkan program Dua Tahun Universiti dan Dua Tahun Industri (2U2I) di beberapa universiti di seluruh negara mulai September depan.

Menterinya, Datuk Seri Idris Jusoh berkata, penuntut di universiti itu akan menjalani latihan bekerja dalam beberapa bidang dikenali pasti selama dua tahun, seterusnya mengikuti pengajian selama dua tahun.

Katanya, melalui sistem itu penuntut yang menamatkan pengajian akan terus ditawarkan pekerjaan tanpa mengikuti kursus kemahiran.

“Antara universiti yang akan melaksanakan sistem 2U2I ialah Universiti Malaysia Kelan-



Idris (tengah) merasmikan Majlis Penutup Program Temuduga Terbuka Skim Latihan 1 Malaysia (SL1M) dan Gempak Keusahawanan Kerjaya (G2K) peringkat Zon Timur di UMT, semalam.

[FOTO ASWADI ALIAS/BH]

tan (UMK) dalam bidang keusahawanan, Universiti Putra Malaysia (UPM) dalam bidang pertanian dan Universiti Teknologi Mara (UiTM) dalam bidang komunikasi,” katanya selepas merasmikan Majlis Penutup Program Temuduga Terbuka Skim Latihan 1 Malaysia (SL1M) dan Gempak Keusahawanan Kerjaya (G2K) peringkat Zon Timur di Universiti Malaysia Terengganu (UMT) di sini, semalam.

Yang turut hadir, Menteri di Jabatan Perdana Menteri, Da-

tuk Seri Abdul Wahid Omar; Naib Canselor UMT, Profesor Datuk Dr Nor Aeni Mokhtar dan Ketua Pegawai Eksekutif Majlis Pembangunan Wilayah Ekonomi Pantai Timur (ECER), Datuk Seri Jebasingam Issace John.

Belajar sambil bekerja

Idris yang juga Ahli Parlimen Besut, berkata 2U2I adalah program belajar sambil bekerja yang membolehkan penuntut belajar selama dua tahun dan menimba pengalaman dalam industri selama dua tahun.

Katanya, objektif program itu antara usaha kerajaan bagi meningkatkan kebolehpasaran, persediaan dan kemahiran penuntut universiti untuk ke alam pekerjaan apabila menamatkan pengajian.

Untuk komen,
hantar e-mel menerusi
bhnews@bh.com.my
atau di laman Facebook
BH Online